



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Cessabit iuge sacrificium. tit. 263

urn:nbn:de:hbz:466:1-29452

Vult enim vt sit grex vnus & vnus pastor. Si que ouiu vult spontè errare, & ouile relinquere vnicum, id est, catholicam Ecclesiam suo stabit periculo. Iam enim per capita, id est, Papam & Imperatorem denūciatus est error Ecclesiæ, veluti per bullā & bannum Schismaticorum: si quis noluerit audire Ecclesiam, id est, consentire in fide & doctrina catholicæ Ecclesiæ, sit tibi tanquàm ethnicus, Mat. 18.

CESSABIT IUGE SACRIFICIUM.

TITVLVS CCLXIII.



RIMò, sanctus Daniel Propheta vidit semel in visione sua, qualiter Antichristus in Ecclesia sua ante nouissimaum diem sæuiet, & inter multa alia hæc dicit cap. 8. quòd & iuge sacrificiū, cessabit illis temporibus. Dicebatur agnus qui immolabatur quotidie vespere & manè, sicut dicitur Exod. 29. apud Iudæos, sed hoc iuge sacrificium fuit amotum per Antiochum, sicut patet 1. Mach. 1. quomodo prophanauit templum.

Secūdò, omnes catholici doctores vnanimiter consentiunt præter hereticos, quòd hoc iuge sacrificium Iudæorum figurabat immolationem corporis Christi, quod quotidie immolatur in altari ad memoriã passionis Christi, sicut præcepit Luca 22. quòd ideo omni die offertur, & iuge est sacrificium, ne Christi beneficium homo obliuiscitur, vt eius deuotio nutriatur, & Deo gratiæ agantur pro redemptione per Iesum Christum Dominum nostrum. Sed sicut per regem Antiochum facta est prohibitio, nè fierent sacrificia, holocausta, & placationes in templo, & neque sabbatum & dies solennes, sed omninò sequerentur leges gentium, &c. 1. Mach. 1. Sic prædictum est per Methodium, Danielè, & alios viros, pios, quòd Antichristus

christus & sui adhæsores prohibebunt & tollent de Ecclesia iuge sacrificium, id est, Missam, & illâ sic facient abominabilem, quod etiam violare virginem non sit futurum tantum peccatum, sicut Missam celebrare, videre vel audire, sicut blasphemavit Luterus. Et sic iam hoc tēpore impletur hæc propheta, quæ cessat hoc sacrificium in ecclesijs schismaticorum.

Tertiò inquires: Cur ergo Deus sic tam sanctum sacrificium filij sui permittit aboleri? Respondeo: Daniel. 8. Robur, inquit, datur aduersarijs contra hoc iuge sacrificium, propter peccata populi & maxime sacerdotum, qui (vt dicitur 2. Macha. 4.) iam non erant dediti circa altare, sed contempso templo, & sacrificijs neglectis, festinabant fieri Palestina, & fecerunt prostibula iuuenum circa templum, &c. Et quia profertur veritas in terra, sic aufertur iam nobis iuge sacrificiū, quia sacerdotes plūs mundani quàm spirituales, frequentiores in conuiujs & voluptatibus, die noctuq; versantur, quàm in Ecclesia, solum Chorales occupant templum: incedunt decurtatis vestibis sicut negociatores. Non celebrant. Et penetrum templum, id est, in domibus suis, nutriunt scortum. Non docent verbum veritatis. Ideo hæc permittitur ablatio iugis sacrificij. Et populus propter illorum malam vitam incipit odire Missam, & orationes & cultum Dei.

Quartò, Grande est peccatum, indignè manducare corpus Domini, & sanguinem eius preciosum trahere. Paulus 1. Cor. 11. dicit, quòd iudicium, id est, damnationem bibit & manducat talis. Sed fornicator celebrans quotidie, non veretur neque timet Deum: auaritia ipsorum deuotio est propter pecuniam, ne careas grosso, stipendio, &c. celebras, alioqui non curares Missam, odium tecum in altari est. Non recordaris, vade primùm reconciliari fratri tuo, Matth. 5. At putas, quòd Dei sit voluntas, hæc grandia peccata peragat

peragere sub nomine suo, id est, officio sacerdotali? Nisi Deus tolleret sacrificium, semper peccare pergeres: non vult ergo tibi dare occasionem peccandi, &cæt. Ergo peccata hæc grandia & Simonia pessima, facient cessare iugum sacrificium, id est, Missam.

DE PAUCITATE CONSTAN-
tium in fide tempore Antichristi.

TITVLVS CCLXIII.



Rimò notandum, q̄ legitur Danie. 3. quòd Nabuchodonosor rex fecit fieri statuam aureã, altitudine 60. cubitorũ, latitudine 7. cubitorum, & posuit in campo magno &cæt. Et cõuocauit oēs sapientes, duces, Barones & Principes, & præcepit vt erigerent & publicarent idolũ illud, ad sonitum quoq; instrumentorũ omnes illud adorarent, sub pœna mortis. Et sic factũ est, vt oēs illud adorarent, præter tres, qui fuerũt re-
periti in toto populo, scilicet, Sydrach, Mysach, & Abdenago, qui magis elegerunt poni in clibanum ignis ardentis, quàm adorare idolum.

Secundò, Hoc idolum regis significat Antichristum hæreticum, qui statuam aureã erigit, id est, Hæreticam doctrinam quæ videtur aurea, alta, & fortissima, eò quòd hominibus placet sicut aurum. Galat. 1. Si hominibus placerem, &c. Subindè hanc hæresim adorare cogit Tyrãnus sub pœna tribulationis, amissionis vitæ, famæ, & bonorum, vt qui non adorauerit hunc Baal, non erit tutus: & cùm omnes quærant quæ sua sunt, non quæ Iesu Christi, sicut dicit Apost. Phi. 2. fit vt totus mundus currat post ipsum. Vnus al-
terum vocat, accendit, vt sequantur nouum dogma, sicuti 1. Machab. 1. Multi ex filijs Israel iniqui suaserunt multis, sicuti iam faciunt sectarij concionatores: Eamus & disponamus testamentum nostrum
cum